

王荆公詩文注

五

詠
乎
知
夢

PDG

王荊公文集注卷五

吳縣沈欽韓撰

贈司空兼侍中文元賈魏公神道碑賈昌朝傳昌朝在侍從頗得名譽及執政乃不爲正人所與而數有攻其結宦官宮人者東坡集雜記溫成皇后乳母賈氏宮中謂之賈婆婆賈昌朝連結之謂之姑姑臺諫論其姦近侍有進對者曰近日臺諫言事虛實相半如賈姑姑事豈有是哉上默然久之曰賈氏實曾薦昌朝

諱緯之曾孫本傳晉史官緯之從曾孫隆平集與碑同宋祁撰賈令君墓志銘云祖諱緯令君卽昌之父也

其先南皮人中徙獲鹿輿地廣記滄州有南皮縣真定

府有獲鹿縣

獻文章召試賜同進士出身長編文臣有不由科第者或因獻文別試亦敕賜進士及第或賜御前進士及第又有同進士及進士出身之目選舉志太宗以來凡特旨召試者于中書學士舍人院或特遣官專試所試詩賦論頌策制誥或三篇或一篇中格則授以館職東封及祀汾陰時獻文者多試業得官蓋特恩也景德四年進士考第之制凡五等臨軒唱第上二等曰及第三等曰出身四等五等曰同出身

潁川郡王院伴讀職官志太宗令王府記室翊善侍講分兼南北宅教授大中祥符三年又有侍教之名自是

南北院或有伴讀

孫宣公領國子一見聽語待以公相龍川別志時孫奭

判監昌朝嘗候奭奭不出使人以唐路隨韋處厚傳

俱見

唐書示之曰讀訖乃相見既見奭曰知此意否足下異日

以儒術作相正如此二人山堂考索後集宋國子監有判監事有管勾監事待制已上則爲判餘爲管勾元豐中正官名置國子監祭酒

天臣有以親嫌者故久弗用長編天聖九年三月己巳翰林侍講學士孫奭試太常博士國子監直講賈昌朝秘書丞王府侍講趙希言殿中丞國子監直講郭稹楊安國講說于中書稹固辭而昌朝亦以參知政事陳堯

佐嫌報罷

東明縣方輿紀要東明廢城在今東明縣東金避河患徙治于曹州濟陰縣西

在京廣濟永濟兩倉河渠志廣濟河導河水自開封歷陳留曹濟鄆其廣五丈歲漕上供米六十二萬石一統志衛河卽古白溝水亦名永濟自彰德府內黃縣流經大名府魏縣南又東北經大名元城縣東又東北入東昌府館陶縣界按京倉由此兩河立名

爲彭城郡王諱其名外戚傳劉美人父通初掌禁旅從潘美征廣南又累戰北面積勞至虎捷都指揮使長女爲眞宗德妃又爲皇后累贈節度太師尙書令仁宗嗣

位尊皇后爲皇太后贈通彭城郡王按章獻臨朝至終時避其父諱改通判曰同判自宣仁后臨朝後亦倣此太平興國寺灾釋氏稽古略京師舊龍興寺周世宗廢之爲龍興倉至太平興國二年主僧擊登聞鼓訴復寺帝感歎詔復之賜名太平興國寺仍爲營葺極宏壯之制長編景祐三年七月庚子太平興國寺灾是夕大雨震電火起寺閣中燔開先殿及寺舍數百楹

天章閣侍講青箱雜記本朝眞宗御集御書並藏于天章閣景祐中又置侍講以賈昌朝趙希言王宗道爲之石林燕語云後亦未嘗復除人長編天禧五年三月戊戌天章閣成寶元二年三月癸丑天章閣侍講賈昌朝

王宗道編排資善堂書籍其實教授內侍也四月諫官
吳育言資善堂教授內臣而以編修爲名非盛朝所務
也癸未詔罷之

判尙書禮部判太府寺山堂考索後集宋禮部判部事
二人以兩制及帶職朝官已上充凡禮儀之事悉歸于
太常禮院而貢舉之政領于知貢舉官本曹但賞制科
舉人補奏太廟社齋郎室長掌坐都省集議百官謝賀
章表諸州申祥瑞出納內外牌印之事宋太府寺判寺
事一人以兩制或帶職朝官充凡財貨廩藏貿易四方
貢賦百官俸秩皆隸三司本寺但掌供祠祭香幣帨巾
神位席及造斗稱尺寸而已元豐改制始正職掌

權知通進銀臺司兼門下封駁事夢谿筆談銀臺司兼門下封駁乃給事中之職當隸門下省故事乃隸樞密院下寺監皆行劄子寺監具申狀雖三司亦言上銀臺主判不以官品初冬獨賜翠毛錦袍學士已上自從本品行案用樞密雜司人吏主判食樞密廚蓋樞密院子司也長編淳化四年八月通進銀臺使舊隸樞密院使凡內外奏覆文字必關二司然後進御外則內官及樞密院吏掌之內則尙書內省籍其數以下有司或行或否得緣而爲姦禁中莫知外司無糾舉之責癸酉詔以宣徽北院廳事爲通進銀臺司命向敏中及張詠同知二司公事凡內外奏章案牘謹視其出入而句稽焉月

一奏課事大小不敢有所留滯矣發敕司舊隸中書尋令銀臺司兼領之

以右諫議大夫權御史中丞長編慶厯元年十二月壬辰權知開封府賈昌朝爲右諫議大夫權御史中丞却埽編國朝參知政事樞密副使必以諫議大夫爲之權御史中丞亦然

異時縣令奉錢滿萬二千乃舉令職官志奉錢萬戶已上縣令二十千七千戶已上令十八千五千戶已上令十五千三千戶已上令十二千不滿三千戶令十千舉者保任之

劉平爲趙元昊所得邊吏以降敵告劉平傳進士及第

至侍御史改衣庫使知汾州寶元元年以殿前都虞候

爲鄜延路副總管進步軍副都指揮使元昊盛兵攻保

安軍

今延安府保安縣

又圍延州平與石元孫救延州敵以輕

兵薄戰官軍引却二十步都監黃德和望見率麾下走

保西南山衆從之皆潰平遣軍校杖劍遮留士卒得千

餘人轉鬪三日遂與元孫俱被執初德和言平降賊朝

廷發禁兵圍其家及命殿中侍御史文彥博卽河中府

置獄遣龐籍往訊具得其實遂釋其家德和坐腰斬而

延州吏民亦詣闕訴平戰沒狀遂贈朔方節度使

眞宗撫王繼忠家後賴其力玉壺清話眞宗爲開封尹

令瞽者揣聽聲骨至王繼忠瞽者駭之曰此人可訝半

生食漢祿半生食胡祿真宗笑而遣去繼忠後爲觀察

使高陽總管咸平六年虜寇望都

望都屬定州本傳云繼忠爲定州副都部

署是與虜酣戰至乙夜戎騎合圍數十重徐戰徐行傍西

山至白城陷虜上聞之甚嗟悼皆謂卽沒景德初戎人

乞和繼忠與撰奏章而勸諷誘掖大有力焉朝廷方知

其存後每歲遣使朝廷手封御帶藥茗以賜焉虜以女

妻之僞封吳王卒于虜人謂陷蕃王氏王沂公筆錄繼

忠爲人有誠信北境甚重之後封河間王彼土人士或

稱之曰古人盡忠止能忠于一主今河間王南北歡好

若此可謂盡忠于兩主

公奏瑀所言不經不可用東軒筆錄林瑀自言于周易

得聖人秘義每當人君卽位之始則以日辰支干配成一卦以其象繇爲人君所行之事其說支離詭駁不近人情及爲侍讀遽奏仁宗曰陛下卽位于卦得需象曰雲上于天是陛下體天而變化也其下曰君子以飲食宴樂故臣願陛下頻宴遊務娛樂窮水陸之奉極玩好之美則合卦體當天心而天下治矣仁宗駭其言翌日問賈魏公昌朝公對曰此乃誣經籍以文姦言真小人也仁宗大以爲然于是逐瑀終身不齒矣長編慶厯二年二月丙戌太常博士天章閣侍講林瑀落職通判饒州

奏劾駙馬都尉柴恭僖公奪其州柴禹錫傳子宗慶

按宗

慶傳作孫尚太宗女魯國長公主升其行仁宗卽位拜同中

書門下平章事徙節武成軍後判鄭州以縱部曲擾民
召還奉朝請歲減公用錢四百萬久之出判濟州用御
史中丞賈昌朝言留不遣卒贈中書令謚曰榮密此云
恭僖則後乃改謚也長編宗慶性貪鄙積財鉅萬而自
奉龕爨至食閭閻下賤之食優人以爲戲初客大名府
右族李宗佑家宗佑善交公卿與宗慶爲遊道其得選
尚宗佑尤有力及貴不能報臨終無子願以貲產送官
上以其女尚幼不許知禮院曾公亮謂宗慶晚能求上
積俸以裨軍用爲追補前過謚榮密

契丹來求地請婚長編慶厯二年三月己巳契丹遣宣

徽南院使蕭英翰林學士劉六符來致書云云先是西
兵久不決六符以中國爲怯厭兵因教其主且聚兵幽
涿聲言欲入寇而六符及英先以書來求關南十縣宰
相呂夷簡舉右正言知制誥富弼可使敵命弼爲接伴
弼察英等自以先違盟約及其從者皆有懼心可動故
每與之開懷盡言英等乃密以其主所欲得者告弼且
曰可從從之不從更以一事塞之王者愛養生民舊好
不可失也弼具以聞及英等至命御史中丞賈昌朝館
伴朝廷議所欲與不許割地而許以信安王允甯女與
其子梁王洪基結婚或增歲賂獨弼以爲結婚不可初
國主之弟崇元者號大弟挾太后之勢用事橫于國中

嘗自通書幣上欲因令使荅之令昌朝問六符六符辭曰此于太后則善于本朝不便也昌朝曰卽如此而欲以梁王求和親皇帝豈安心乎六符不能對旣而敵卒罷結婚之議

待夷狄者凡六事昌朝傳上備邊六事一曰馭將帥二曰復土兵三曰訓營卒四曰制遠人五曰綏蕃部六曰謹覘候書奏多施行之

文繁不載

檢校太傅爲樞密使事實類苑文臣爲樞密使皆帶檢校太尉太傅兼本官容齋三筆節度使悉稱太尉故樞密使雖未稱檢校太尉不可下于節度使故亦稱太尉監修國史石林燕語慶厯五年賈文元爲相始建議重

修唐書文元以宰相自領提舉官

議祔章惠太后太廟公言其非禮本傳詔有司議升祔
奉慈廟三后有司論不一昌朝曰章獻母儀天下章懿
誕育聖躬宜如故事章惠于陛下有慈保之恩當別享
奉慈廟如故乃奉二后神主升祔真宗廟

寅名章獻章懿太后新廟
日奉慈十月己酉祔廟

按長編明道二年八月壬

密敕遷文武位一等賜外內諸軍特支優給公又獨奏

罷之長編慶厯五年十月辛酉祔章獻章懿皇后二主
于太廟初議者請覃恩百官且優賜軍士參知政事吳
育曰無事而啟僥倖誰爲陛下建此議者請治之已而
帝語輔臣曰外人怨執政宜防諠譁育曰此必陳議者

欲以動搖上聽願勿慮臣旣以身許國何憚此耶按此碑以育守正之事移諸昌朝昌朝方內結宮掖其能持此論乎

特支優給長編慶厯八年三月常程持支例只對料錢勘請朝廷一次特支在京約用錢三十萬貫及入軍人

之手何足爲用

按此乃張方平條對中語

元昊歸石元孫議賜死石保興傳子元孫厯侍衛親軍步軍殿前都虞候鄜延副都總管康定初夏人寇延州元孫與戰于三州口軍敗見執及元昊納欵縱元孫歸諫官御史奏辱國請斬塞下賈昌朝獨言曰春秋楚獲晉將知罃亦還其國不誅因入對出魏志于禁傳以奏